



Adresseliste

## Utvida periode for skadefelling av jerv i Hordaland

---

**Det regionale fellingslaget for rovvilt i Hordaland får løyve til skadefelling av ein jerv i Odda, Ullensvang og Eidfjord kommunar. Løyvet gjeld i tida frå 31. august til og med 14. september 2017. Fellingsforsøket skal koordinerast med det regionale fellingslaget i Rogaland.**

**Løyvet er gitt i medhald av naturmangfaldlova § 18 første ledd bokstav b og § 77, jf. forskrift om forvaltning av rovvilt § 9, jf. òg §§ 1 og 3. Det er knytt vilkår til løyvet.**

---

Vi viser til søknad om utvida fellingsperiode for jerv frå beitenæringa i Hordaland, Rogaland, Agderfylka og Telemark, datert 30. august 2017. Vi handsamar berre den delen av søknaden som gjeld Hordaland fylke.

### Innhald i søknaden

Det er søkt om å forlengje fellingsperioden fram til 30. september 2017 og at det blir opna for bruk av helikopter til transport av personell i samband med fellingsforsøk.

Søknaden er fremma på bakgrunn av pågåande tap av sau i Røldal og Suldal, og observasjonar av jerv i Bykle og Vinje. Søkjar meiner at erfaringane så langt viser at det er mogleg å kome i kontakt med jerv i området og at felling er realistisk.

Det er søkt om fellingsløyve som blir gjeldande inn i lisensfellingsperioden. Grunnlaget for dette er at søkjar ser på betinga skadefelling som eit meir effektivt verkemiddel enn lisensfelling.

### Fylkesmannens vurdering

Det rettslege grunnlaget for avgjerda er naturmangfaldlova § 18 første ledd bokstav b og § 77, jf. rovviltforskrifta § 9, jf. òg §§ 1, 3 og 8. Bakgrunnen for saka og vurderinga av vilkåra i lovverket er gjort greie for i vårt vedtak datert 18. august 2017. Vi gav då løyve til felling av ein jerv i eit avgrensa område innanfor kommunane Odda, Ullensvang og Eidfjord. Vi gjer difor ikkje ei ny vurdering av vilkåra for å tillate felling, men tar stilling til nye punkt fremma i søknaden.

I perioden 13. august til 23. august er det registrert 13 kadaver som er dokumentert eller antatt drepte av jerv i Rovbase. Det siste funnet vart gjort i Suldal 23. august. Berre tre av kadavera er funne i Hordaland, men jerven nyttar heile området og vi kan difor ikkje sjå vekk frå at det kan kome fleire tap i Hordaland. Søkjar skriv at sauesankinga startar i desse dagar og at det aller meste vil vere henta heim frå fjellet innan utgangen av september. Erfaringa frå dei siste to åra er at tap kan skje langt ut i september månad, og skadepotensialet er difor framleis til stades, jf. rovviltforskrifta § 9 andre ledd bokstavar b og c.

Det er søkt om løyve til betinga skadefelling ut september månad. Søkjar meiner at betinga skadefelling under leiing av skadefellingslaget er meir effektivt enn lisensjakt. Betinga skadefelling kan skje uavhengig av grunneigars einerett til jakt, og med økonomisk kompensasjon frå miljøforvaltninga. Den 10. september startar lisensjaktperioden på jerv, og i denne perioden kan næringa og jegarane sjølve organisere jakta. Vi ser at det vil vere nokre fordelar med at jakta blir organisert av det regionale fellingslaget og forlenger difor fellingsperioden til og med 14. september.

Det er bedt om løyve til bruk av motorisert ferdsel for å transportere personell og utstyr i samband med fellingsforsøket. Når Fylkesmannen set i verk betinga skadefelling kan vi sette til side reglane som elles gjeld i viltlova og forskrift om utøving jakt, felling og fangst, jf. rovviltforskrifta § 9 tredje ledd. Dette har ingen innverknad på bruk av motoriserte køyretøy i samband med fellingsforsøket. Vi understrekar at kommunane forvaltar regelverket knytt til motorferdsle i utmark, og at ein søknad om bruk av motoriserte køyretøy til dette formålet må vurderast av kommunen.

Med bakgrunn i vårt vedtak av 18. august 2017 og etter ei samla vurdering meiner vi at vilkåra for å forlange løyvet til skadefelling av ein jerv i Hordaland er til stades.

### **Vedtak**

Det regionale fellingslaget for rovvilt i Hordaland får løyve til skadefelling av ein jerv i Odda, Ullensvang og Eidfjord kommunar. Løyvet gjeld i perioden 31. august til og med 14. september 2017.

Vedtaket er heimla i naturmangfaldlova § 18 første ledd bokstav b og § 77, jf. forskrift om forvaltning av rovvilt § 9, jf. òg §§ 1 og 3. Følgjande vilkår er knytt til løyvet:

1. Det regionale fellingslaget for rovvilt i Hordaland er ansvarlege for fellingsforsøket. Fellingsforsøket skal organiserast og leiast av fellingsleiarar Arne Sangolt og Terje Mala. Dersom andre jegerar skal involverast er fellingsleiar ansvarleg for å utnemne desse. Alle i fellingslaget skal vere kjente med innhaldet i dette brevet og dei generelle reglane i rovviltforskrifta og i forskrift om utøving av jakt, felling og fangst.
2. Tillate område for felling er området sør for riksveg 7 og aust for riksveg 13, avgrensa mot sør og aust av fylkesgrensa. Delar av Odda, Ullensvang og Eidfjord kommunar inngår i jaktområdet.
3. Skadefellingsforsøket skal rettast mot skadegjerande individ. Dersom det er mistanke om yngling skal Statens naturoppsyn og Fylkesmannen kontaktast snarast.
4. Fellingsforsøk og felling kan skje uavhengig av grunneigar sin einerett til jakt og fangst, jf. viltlova § 35.

5. Ved fellingsforsøk skal det nyttast våpen og ammunisjon godkjent for storviltjakt, jf. forskrift om utøving av jakt, felling og fangst §§ 15 og 16.
6. Deltakarar i fellingslaget skal ved bruk av rifle ha avlagt skyteprøve seinast i 2016 og vere registrerte som lisensjegerar.
7. Bruk av laus hund må berre skjje etter løyve frå kommunen.
8. Ved funn av daude dyr kan desse nyttast som åte etter avtale med eigar. Bruk av kunstig lys i samband med eventuelle åter, eller i samband med oppsyn om nettene vil vere tillate. Slikt utstyr skal ikkje vere fastmontert på våpen.
9. Fellingsleiar har ansvar for at fellingsforsøket blir koordinert med fellingslag i tilgrensande fylke, og skal sørge for god kommunikasjon mellom fellingslaga i heile perioden.
10. Fellingsleiar skal kontakte Statens naturoppsyn for rettleiing og praktisk informasjon før fellingsforsøket startar, og sørge for god dialog undervegs.
11. Felling eller forsøk på felling skal straks meldast til Fylkesmannen (900 93 615/938 90 055) og Statens naturoppsyn (480 94 364). Den som feller dyr skal framvise felt dyr for Statens naturoppsyn for kontroll, merking og prøvetaking av biologisk materiale. Skyttar skal kunne påvise fellingsstad eller skotplass etter oppmoding frå Statens naturoppsyn, Fylkesmannen eller politiet, jf. rovviltforskrifta § 16.
12. Felt jerv i medhald av dette løyvet er viltfondet sin eigedom. Ingen kan på noko vis gjere seg nytte av felt dyr eller delar av dyret utan samtykke frå Miljødirektoratet. Felt dyr skal så raskt som mogleg fraktast til Norsk institutt for naturforskning i Trondheim.
13. Dersom jerv blir skadeskoten pliktar dei ansvarlege å gjere det dei kan for å avlive dyret snarast mogleg. Skyttar pliktar å forvise seg om dyr det er skote på er treft eller ikkje. Ved skadeskyting skal skyttar straks melde frå til Fylkesmannen, Statens naturoppsyn og næraste politimynde. Fylkesmannen avgjer vidare gjennomføring og avslutting av fellingsforsøk. Fellingslaget pliktar å delta i ettersøk utan vederlag.
14. Fylkesmannen kan til ein kvar tid endre eitt eller fleire av vilkåra, eller trekke tilbake løyvet.

### **Økonomisk godtgjersle for fellingsforsøket**

Fylkesmannen føreset at fellingsforsøket blir gjennomført på ein effektiv og hensiktsmessig måte. Vi legg til grunn at regionalt oppnemnde fellingslag er omfatta av kompensasjonsordninga på lik linje med kommunalt oppnemnde lag, jf. kommentarane til rovviltforskrifta § 9a.

Den økonomiske ramma for forsøket blir utvida med kr 10 000 til totalt kr 40 000. Ramma blir fordelt slik:

- Fylkesmannen kan dekke direkte og dokumenterte utgifter til fellingsforsøket opp til kr 13 000.
- Deltakarar i fellingslaget har krav på godtgjering på same vis som kommunale fellingslag jf. rovviltforskrifta § 9a. Brev frå Miljødepartementet av 15.09.2011 set føringar for praktisering av § 9a. Døgnsatsen per jeger er maksimalt kr 1600. Dette gjeld for døgn der jegeren har vore aktiv i forsøk på skadefelling. Dersom jegeren berre har vore aktiv kort tid av døgn, bør satsen justerast ned. Fylkesmannen set ei

ramme på kr 27 000,- som kan nyttast til godtgjering, feriepengar og arbeidsgivaravgift. Fellingsleiar har ansvar for at fellinga blir utført innanfor budsjettet for godtgjering.

Det regionale fellingslaget for rovvilt i Hordaland pliktar å sende skadefellingslogg til Fylkesmannen så snart som mogleg etter at fellingsforsøket er avslutta. Norges Jeger og Fiskeforbund Hordaland (NJFF Hordaland) pliktar å sørge for at deltakarar i fellingslaget fører timelister og oversikt over køyrde kilometer mm. NJFF Hordaland søker Fylkesmannen i Hordaland om kompensasjon etter vilkåra som nemnt over innan to veker frå fellingsforsøket er avslutta.

### **Klagerett**

Alle med rettsleg klageinteresse kan klage på vedtaket innan tre veker får ein er gjort kjent med det, jf. forvaltingslova §§ 28. Klage skal stilast til Miljødirektoratet, men sendast til Fylkesmannen i Hordaland.

Med helsing

Stein Byrkjeland  
ass. miljøvernssjef

Jørgen Aarø  
rådgjevar

*Brevet er godkjent elektronisk og har derfor inga underskrift.*

**Mottakarar**

Arne Sangolt	aastasa@online.no		
Eidfjord kommune	Simadalsvegen 1	5783	Eidfjord
Fylkesmannen i Aust- og Vest-Agder	Postboks 788 Stoa	4809	Arendal
Fylkesmannen i Rogaland	Postboks 59	4001	Stavanger
Fylkesmannen i Sogn og Fjordane	Njøsavegen 2	6863	Leikanger
Fylkesmannen i Telemark	Statens hus	3708	Skien
Hardanger lensmannsdistrikt	post.hordaland@politiet.no		
Hardangervidda fjelloppsyn	hardangervidda.fjelloppsyn@fjellstyre.no		
Hordaland Sau og Geit	reidar.kallestad@online.no		
Mattilsynet	Postboks 383	2381	Brummundal
Miljødirektoratet	Postboks 5672 Sluppen	7485	Trondheim
Naturvernforbundet Hordaland	hordaland@naturvernforbundet.no		
Norges jeger og fiskeforbund - Hordaland	Tverrgaten 4/6	5017	Bergen
Odda kommune	Opheimsgata 31	5750	Odda
Rogaland Sau og Geit	mjbj@online.no		
Rovviltnemnda i region 1 v/Aleksander Heen	aleksander.heen@sfj.no		
SNO Bergen	ragni.nordas@miljodir.no		
SNO Hardangervidda	hardangervidda@miljodir.no		
SNO Rosendal	olaf.bratland@miljodir.no		
SNO Rovviltseksjonen Sogn og Fjordane og Hordaland	rein-arne.golf@miljodir.no		
Telemark Sau og Geit	jon.aslak@hotmail.com		
Terje Mala	terje.mala@lofthus.no		
Tilsynsutvalet i Hordaland	tilsynsutvalet.hordaland@ullensvangherad.no		
Ullensvang herad	Heradshuset	5780	Kinsarvik